



Na osnovu člana 15 stav 1 alineja druga Zakona o principima lokalne samouprave u Federaciji BiH (Službene novine Federacije BiH, broj 49/06 i 51/09), a u vezi sa članom 15 stav 1 Zakona o mladima Federacije BiH (Službene novine FBiH, broj 36/10) i Statutom općine Velika Kladuša (Službeni glasnik Općine Velika Kladuša 12/11), na osnovu Pravilnika o vođenju spiska udruženja, fondacija na području Općine Velika Kladuša, broj: 2-04-1594/25, Općinski načelnik upućuje

STALNI POZIV

Omladinskim udruženjima za upis u spisak omladinskih udruženja na području Općine Velika Kladuša

I

Pozivaju se omladinska udruženja koja imaju sjedište ili registrirani ured na području općine Velika Kladuša, da izvrše upis u Spisak omladinskih udruženja Općine Velika Kladuša (u daljem tekstu: Spisak).

II

Udruženje je, u smislu ovoga Zakona o udruženjima i fondacijama, svaki oblik dobrovoljnog povezivanja više fizičkih ili pravnih lica radi unapređenja i ostvarivanja nekog zajedničkog ili općeg interesa ili cilja, u skladu s Ustavom i Zakonom, a čija osnovna svrha nije sticanje dobiti.

Fondacija je pravno lice koje nema svoje članstvo, a cilj njenog osnivanja je upravljanje određenom imovinom u općem ili zajedničkom interesu.

„Omladinsko udruženje“, prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti usmjerene na mlade, a koje se osniva, registrira, djeluje i prestaje postojati u skladu sa zakonom na osnovu kojeg je registrovano. Međunarodna udruženja koja nisu registrovana i u Bosni i Hercegovini ne mogu dobiti status omladinskog udruženja.

III

Omladinska udruženja koja žele predlagati projekte dužna su se upisati u spisak omladinskih udruženja Općine

IV

Zahtjev za upis u Spisak podnosi se Službi za upravu, društvene djelatnosti i zajedničke poslove (u daljem tekstu: Služba) sa potrebnom dokumentacijom nakon upisa udruženja u registar koji vodi nadležno ministarstvo pravde.

Zahtjev za upis u Spisak potpisuje osoba ovlaštena za zastupanje i predstavljanje udruženja/fondacije.

Zahtjev se, prema vrsti podataka koji se unose, sastoji od tri dijela, i to:

- a) podaci o udruženju/fondaciji,
- b) podaci o licu ovlaštenom za zastupanje i predstavljanje,
- c) podaci o upravnom odboru i skupštini.

Uz zahtjev za upis u Spisak prilažu se:

- Rješenje o registraciji udruženja
- Osnivački akti udruženja
- Statut udruženja

V

Zahtjev i prilozi se popunjavaju digitalno i podnose se Službi skenirani putem službene mail adrese: jasna.topcagic@velikakladusa.gov.ba

Zahtjev se nalazi na web stranici Općine Velika Kladuša. <https://velikakladusa.gov.ba/>

VI

Ovaj javni poziv se objavljuje na web stranici Općine Velika Kladuša i stalnog je karaktera.

Konsultacije po ovom Pozivu obavljaju se svakog radnog dana u periodu od 11:00-12:00 sati, kancelarija 302.

Za sve informacije možete se obratiti na telefon : +387 37 770 030 ili putem mail adrese: jasna.topcagic@velikakladusa.gov.ba _____

Obradivač:

Žalić Dautović Lajla

